

16 AUG 1998

KERABAT DIRAJA HADIRI MAJLIS PERKAHWINAN ANAK ABANG ABU BAKAR

KUALA LUMPUR, 16 Ogos (Bernama) -- Kerabat diraja dan para pembesar negara menghadiri majlis perkahwinan anak perempuan Menteri di Jabatan Perdana Menteri Datuk Abang Abu Bakar Abang Mustapha di sini, malam ini.

Dayang Adelene Bahjah, 23, melangsungkan pernikahannya dengan Tengku Ariez Hazaril Tengku Abdul Halim, 27, cucunda kepada Raja Perlis, di Kuching pada 8 Ogos lepas.

Antara kerabat diraja yang hadir ialah Raja dan Raja Perempuan Perlis, Sultan dan Sultanah Kedah, Pemangku Yang Dipertuan Besar Negeri Sembilan dan Tunku Puan Muda Negeri Sembilan, Raja Muda Selangor serta Raja Muda dan Raja Puan Muda Perlis.

Para pembesar negara pula terdiri daripada Perdana Menteri Datuk Seri Dr Mahathir Mohamad dan Datin Seri Dr Siti Hasmah Mohd Ali, Timbalan Perdana Menteri Datuk Seri Anwar Ibrahim dan Datin Seri Dr Wan Azizah Wan Ismail dan beberapa anggota kabinet.

Raja Perempuan Perlis mendahului kerabat-kerabat diraja menyempurnakan upacara adat merenjis diikuti oleh Sultan dan Sultanah Kedah serta Dr Mahathir dan Dr Siti Hasmah.

-- BERNAMA

MT NAK